

2. fundur fræðslunefndar ársins 2013 vegna Undralands, haldinn 3. apríl 2013 í leikskólanum, kl. 16.15. 19. fundur á kjörtímabilinu 2010-2014.

Mætt: Helgi Jóhannesson formaður, Unnsteinn Eggertsson, sem ritaði fundargerð, Gunnar Þór Jóhannesson, Halla Gunnarsdóttir leikskólastjóri, Arnheiður S. Þorvaldsdóttir, fulltrúi starfsfólks og Alma Jenný Sigurðardóttir, fulltrúi foreldra.

Dagskrá:

- 1. Skýrsla skólastjóra.**
- 2. Rekstur síðastliðins árs.**
- 3. Skólastefna**
- 4. Nýbúar í leikskóla**
- 5. Önnur mál.**

Formaður setti fund og bauð viðstadda velkomna. Gengið var til dagskrár.

1. Skýrsla leikskólastjóra.

- ❖ Kerlingardagurinn var haldinn í tilefni af konudeginum. Það komu kerlingar á öllum aldri til okkar í heimsókn sem voru leystar út með gjöfum sem börnin höfðu búið til.
- ❖ Hinir sívinsælu bollu-, sprengi- og öskudagur voru haldnir hátíðlegir að venju. Við borðuðum yfir okkur af saltkjöti og baunum á sprengidag, á bolludag var hún Inga okkar búin að baka handa okkur dýrindis bollur sem runnu hratt og ljúflega niður. Á öskudaginn mættu allir í búningum og síðan var haldið að Kaffi-Seli þar sem slegið var upp öskudagsballi. Það er foreldrafélag skólans og fjölskyldan á Efra Seli sem hefur boðið leikskólanum upp á þessa skemmtun undanafarin ár. Skemmtunin tókst vel í alla staði.
- ❖ Við höfum aðeins endurnýjað búnað skólans eins og ný plöstunarmál var keypt þar sem sú gamla var ekki nothæf lengur. Einnig bættum við við gólfstól inn á Móakot. Við ætlum að bæta við einum enn þar sem þeir eru að reynast mjög vel og eru til mikils þæginda fyrir starfsfólkið sem þarf að vera mikið á gólfinu á þessari deild. Við keyptum smásjá sem hægt er að tengja við fartölvuna okkar. Þar gefst börnunum tækifæri til að skoða ýmislegt í mikilli stærð. Við endurnýjuðum hlífðarbuxur fyrir starfsfólkið þar sem hinar voru meira og minna orðnar ónýtar. Við keyptum þær í gegnum Dynjanda og ætlar hún Ellý á Smiðjustíg að merkja þær fyrir okkur.
- ❖ Ólöf Sjöfn í Borgarási 2 gaf leikskólanum skanna sem kemur í sér afskaplega vel.
- ❖ Gunnar í Borgarási gaf leikskólanum vatnsbrúsa fyrir öll börnin. Þetta er liður í að gera leikskólann heilsusamlegri og ýta undir vatnsdrykkju hjá börnunum. Þetta hefur fallið í mjög góðan jarðveg bæði hjá börnum og fullorðnum.
- ❖ Foreldrafélagið gaf leikskólanum þrjá grjónapúða sem fóru inn á Móakot. Þeir eru að reynast mjög vel.
- ❖ Art konurnar okkar útskrifuðust af 12 vikna námskeiðinu með glæsibrag. Það eru þær Elín, Móa, Jónína og Erla.

- ❖ Jónína kláraði Fagnámskeið fyrir starfsfólk leikskóla núna um miðjan mars. Þetta námskeið er hún búin að stunda síðan í september í gegnum Fræðslunet Suðurlands.
- ❖ Erla Jóhannsdóttir fór í veikindaleyfi frá 1. mars og fer síðan í fæðingarorlof eftir sumarfrí. Það náðist að hagræða í húsinu svo að ekki þurfti að ráða inn aðra manneskju í staðinn fyrir hana. Freyja flutti sig yfir á Skógarkot og tók við deildastjórastöðunni þar. Heiða tók við deildastjórastöðunni á Móakoti. Valdís kemur meira inn á Móakot sem stuðningur vegna fatlaðs barns þar inni.
- ❖ Námskrárvinna er í fullum gangi og er starfsfólkið að vinna það mikið eitt og sér í sínum tíma. Í staðinn fær það leyfi starfsdaginn 26.apríl. Má segja að starfsfólkið er búit að vinna af sér þennan dag. Stefnt er að því að setja saman námskránni í júní þegar börnunum fer að fækka og útivistin eykst enn frekar.
- ❖ 12 leikskólastjórar úr Hafnarfirði komu til okkar í heimsókn í mars og kynntu sér starfsemi skólans. Gaman og fróðlegt var að fá þær til okkar. Við gátum rætt saman um hin ýmsu málefni og gafst mér líka tækifæri á að spyrja þær um ýmislegt sem tengist starfinu.
- ❖ Vistun á yngstu deild, Móakoti, er heldur að aukast þ.e. börnin eru að lengja vistun. M.a. barn sem þarf mikinn stuðning vegna fötlunar sinnar. Heiða deildarstjóri jók við sig vinnu til að mæta því.
- ❖ Nýtt barn frá Póllandi byrjaði hjá okkur núna í apríl og er í aðlögun á Heiðarkoti. Einnig eigum við vona á kínversku barni núna í apríl á Heiðarkot. Við höfum fært aðeins á milli deilda vegna þess.
- ❖ Það eru miklar vangaveltur vegna allra nýbúanna okkar sem eru hér í skólanum. Þetta er heilmikil vinna að taka sem best á móti þeim og hefur gengið ágætlega en mætti gera enn betur. Við teljum að við þurfum að búa til okkar stefnu hvernig við tökum á móti börnum og foreldrum þeirra hér í sveitafélaginu. Það er ekki nóg að skólarnir hafi ákveðið ferli heldur verður sveitafélagið og vinnuveitendur að koma að þessu líka. Það væri mjög gott að setja saman vinnuhóp sem tekur saman þær upplýsingar sem til eru og upp úr þeim væri unnin ákveðin stefna sem hægt væri að hafa t.d. á heimasíðu hreppsins. Þar inni væri hægt að ná sér í upplýsingar á nokkrum tungumálum t.d. um sveitafélagið, skólana, heilsugæslu og aðra þjónustu sem við þurfum að vita sem nýbúi hér í sveit. Með þessari vinnu tel ég að hægt sé að koma í veg fyrir heilmikinn misskilning og fólkið sem vill búa hér í sveitinni okkar verður væntanlega mun öruggara og upplýstara. Einnig tel ég að gera þurfi meiri kröfur á nýbúa að fara á námskeið í íslensku þar sem einn kennarinn væri pólsku mælandi ekki eingöngu notuð enska til stuðnings. Það eru ekki allir sem kunna ensku ☺
- ❖ Skiptiheimsóknir á milli skólastiga eru í fullum gangi og heldur Freyja Þorkeldsdóttir utan um heimsóknirnar.
- ❖ Heimasíða Leikskólans hefur legið niðri síðan um áramót. Hún komst loksins í lag núna í lok mars. Vegna þess ákváðum við að opna Facebooksíðu fyrir leikskólann og hefur hún mælst mjög vel fyrir.
- ❖ Halldór Reynisson presturinn okkar heimsótti leikskólann þrisvar fyrir páska og sagði börnunum í léttum dúr frá páskahátíðinni.

- ❖ Starfsmannaviðtöl voru tekin síðustu dagana fyrir páska og við fyrstu sýn koma þau vel út.
- ❖ Foreldramat var lagt fyrir á tölvutæku formi og var um 50% þáttaka í þeim. Starfsmannamat var líka lagt fyrir á tölvutæku formi. Eftir er að vinna úr þessum upplýsingum. Þarna þarf líka að skoða mat sem er á fleiri tungumálum svo það nýtist líka erlendu foreldrunum.

2. Rekstur Undralands.

Farið var yfir helstu tölur í rekstri leikskólans fyrir síðastliðið ár. Reksturinn var umfram áætlun, rúmar 54 milljónir, en áætlun gerði ráð fyrir tæplega 51 milljón. Skýringin liggur í auknum launakostnaði og vegna þess að ráða þurfti stuðningsaðila.

3. Skólastefna.

Formaður lagði fram drög að skólastefnu og fór yfir stöðuna við gerð hennar. Skjalið verður unnið áfram og lagt fyrir næsta fund.

4. Nýbúar í leikskóla.

Leikskólastjóri taldi rétt að koma umræðunni um tungumálaörðuleika upp á yfirborðið. Byggja þarf upp upplýsingaveitu, t.d. á heimasíðu sveitarfélagsins og skólanna, sem eru aðgengileg á nokkrum tungumálum. Slíkt mundi veita nýbúum meira öryggi og auðvelda þeim að aðlagast samfélaginu. Safna þurfi saman þeim upplýsingum sem koma þarf á framfæri, þýða þær og setja fram á aðgengilegt form.

Fræðslunefnd leggur til að settur verði saman vinnuhópur sem skipaður er fulltrúum skólanna, sveitarfélagsins og vinnuveitenda á svæðinu. Hópurinn safni saman upplýsingum sem máli skipta fyrir nýbúa og komi á framfæri.

5. Önnur mál.

a) Umsókn um undanþágu. Leikskólastjóri lagði fram umsókn um undanþágu, sbr. 6 gr. í reglum leikskólans um úthlutun leikskólaplássna, en þar segir:

Þrátt fyrir að lágmarksaldur barna sé miðaður við 18 mánuði er foreldrum heimilt að sækja skriflega um undanþágu frá þeirri reglu þegar barnið nær 12 mánaða aldri. Fræðslunefnd skal meta hvert tilvik fyrir sig, m.a. með hliðsjón af aðstæðum í leikskólanum. Foreldrar skulu greiða 10% álag á leikskólagjöld á meðan barnið er á undanþágu

Fræðslunefnd samþykkir umsóknina.

Fleira var ekki gert.
Fundargerð lesin yfir og samþykkt.

Fundi slitið kl. 17.05